



PROVISIONAL INSTITUTIONS OF SELF GOVERNMENT

**KUVENDI I KOSOVËS**  
**СКУПШТИНА КОСОВА**  
**ASSEMBLY OF KOSOVO**

---

**Seanca plenare**

Seanca nr.2004/15

Prishtinë,më 27 shtator 2004, në orën 10:00

Ndërtesa e Kuvendit, salla e seancave plenare.

**PROCESVERBAL**

Seancën e kryesoi Nexhat **DACI**, kryetar i Kuvendit, kurse bashkëkryesues ishte Fatmir **Sejdiu**, anëtar i Kryesisë.

**Kryetari** konstatoi se në seancë ishin të pranishëm 79 deputetë dhe e deklaroi të hapur punën e saj.

Kryesia ia kishte propozuar Kuvendit këtë

**REND DITE:**

1. Miratimi i procesverbali të seancës së mëparshme;
2. Shqyrtimi i dytë i Projektligjit për financimin e partive politike;
3. Shqyrtimi i dytë i Projektligjit për veprimtaritë kërkimore-shkencore;
4. Shqyrtimi i dytë i Projektligjit për tubimet publike
5. Shqyrtimi i dytë i Projektligjit për zeytari;
6. Shqyrtimi i dytë i Projektligjit për të drejtat e autorit;
7. Shqyrtimi i dytë i Projektligjit për librin amzë;
8. Shqyrtimi i dytë i Projektligjit për përdorimin e vulave të IPVK-ve;
9. Shqyrtimi i dytë i Projektligjit për "Gazetën Zyrtare" të Kosovës;
10. Shqyrtimi i dytë i Projektligjit për administratën tatimore dhe procedurat;
11. Shqyrtimi i dytë i Projektligjit për patentime;
12. Shqyrtimi i dytë i Projektligjit për teatrin;
13. Shqyrtimi i dytë i Projektligjit për mbrojtjen e natyrës;
14. Shqyrtimi i dytë i Projektligjit për shërbimin privat në shëndetësi;
15. Shqyrtimi i vendimit të Panelit të posaçëm lidhur me mocionin e koalicionit "Kthimi" në Ligjin për transportin rrugor;

16. Shqyrtimi i rekomandimit për amendamentimin e Ligjit për naftën dhe derivatet e saj;
17. Shqyrtimi i propozimvendimit të Qeverisë së Kosovës për emërimin e anëtarëve dhe të kryetarit të Agjencisë së Prokurimit Publik, si dhe emërimin e kryetarit të Komisionit Rregullativ të Prokurimit Publik.

Në fillim të seancës deputeti Hali **Ahmeti** paraqiti një prjekdeklaratë lidhur me ndërtimin e rrugës magjistrale Ponoshec - Shën -Gjin «Adriatik-Alpe».

Ai e arsyetoi ndërtimin e kësaj rruge në gjatësi prej 157 km, të cilën e kanë mbështetur: deputeti i Kuvendit të Shqipërisë, z. Azgan Haklaj, ministrant e ministrive përkatëse të të dyja vendeve, përfaqësuesit e pushteteve lokale, si dhe Banka Botrore.

Kanë mbetur edhe 34 kilometra për t'u asfaltuar dhe hapur rruga e re rreth Bregut të Drinit shtoi z. Ahmeti. Është një rrugë komplementare e rëndësishme për Kosovën, Shqipërinë dhe tërë rajonin, duke u lidhur me Portin e Shën-Gjinit dhe në anën tjetër me Malin e Zi, përkatësisht magjistralen e Adriatikut.

**Kryetari** tha se Kuvendi e mbështetë punën e këtyre deputetëve në realizimin e këtij projekti për ndërtimin e kësaj rruge, por procedurat nuk lejojnë që deklarata e paraqitur të votohet.

**Kryetari** tha se ka kërkesa për heqjen nga rendi i ditës të kësaj séance pikën e tetë, dymbëdhjetë dhe trembdhjetë, të cilën duhet përkrahur.

Deputeti **Naim Maloku** kërkoi sqarime lidhur me kërkesën për heqjen nga rendi i ditës të pikave të larpëmendura, ngase në komisionet funksionale, gjatë shqyrtimit të projektligjeve, nuk ka pasur kërkesa të tilla dhe janë përgatitur amendamentet lidhur me projektligjet që duhet të shqyrtohen në këtë seancë.

**Kryetari** tha se kërkesën për heqjen nga rendi i ditës të këtyre pikave e ka parqitur Grupi Parlamentar i LDK-së dhe kërkoi mirëkuptim nga grupet e tjera parlamentare që ta përkrahnin këtë kërkesë.

Deputeti **Lirak Çelaj** tha se në Komisionin Funksional gjatë shqyrtimit të Projektligjit për teatrin, në të cilën kanë marrë pjesë përfaqësuesit e të gjitha grupeve parlamentare, pos koalicionit "Kthimi" asnjë anëtar nuk ka qenë kundër miratimit të këtij projektligji. Ai kërkoi që séanca e sotme të vazhdojë punimet, sipas rendit të ditës të propozuar nga Kryesia.

Deputetja **Edi Shukriu** tha se gjatë përgatitjes së amendamenteve lidhur me Projektligjin për teatrin nuk ka paur kurrfarë mosmarrëveshjeje lidhur me këtë. Prandaj, arsyetimi se Lidhja Demokratike dhe ministria përkatëse po kërkojnë të hiqet nga rendi i ditës ky projektligj duhet të dëgjohet këtu.